

28.03.2008.

Sud smatra da poznati advokat može uticati na svjedoke

Bajro Čilić u pritvoru

Općinski sud u Sarajevu odredio je, na prijedlog kantonalnog tužitelja Safeta Hrape, jednomjesečni pritvor advokatu 49-godišnjem Bajri Čiliću, koji je jednom od svojih klijenata smještenih u centralnom zatvoru pokušao unijeti marihuanu. Krivično djelo koje se Čiliću stavlja na teret jeste posjedovanje, omogućavanje i uživanje opojnih droga. Ovo je jučer potvrđeno u sarajevskom Općinskom sudu, gdje dodaju da je sutkinja Hasija Mašović ovu odluku donijela zbog mogućnosti utjecaja na svjedoke.

Čilića su, naime, prekjueer uhapsili sarajevski policajci i to po nalogu tužitelja Kantonalnog tužilaštva u Sarajevu, jer je dan ranije pokušao da unese 6,5 grama marihuane u sarajevski zatvor. Međutim, zatvo-



Čilić: Pronašli mu marihuanu

rška straža je pretresom advokata pronašla drogu u jednoj kutiji od cigareta. Tužilaštvo u Sarajevu je odmah nakon hapšenja sarajevskog advokata, pokrenulo istragu.

Iako je za jučer bila najavljena sjednica Advokatske komore FBiH ona ipak nije održana. Prema riječima jednog od pomoćnika disciplinskog tužitelja, Dražena Zubaka, odluka o suspenziji Bajre Čilića iz advokatske komore, bit će donesena tek kada dobijemo njegovo izjašnjenje.

- Do tada ne možemo govoriti o tome koje mjere će se Čiliću izreći. To će, između ostalog ovisiti o tome kako će se on izjasniti, te koje će dokaze ponuditi. Ukoliko bude dovoljno elemenata onda će se podići optužnica, a potom će predmet biti upućen na disciplinski sud Regionalne advokatske komore KS gdje će se odlučiti o daljim mjerama - pojasnio je Zubak.

A. B.